

T-4

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za privredu, Vlada Zeničko-dobojskog kantona, na 136. sjednici, održanoj dana 28.12.2021. godine, d o n o s i

ZAKLJUČAK

I.

Prihvata se Informacija o realizaciji poticajnih mjera Vlade Zeničko-dobojskog kantona za 2020. godinu, koja čini sastavni dio ovog zaključka.

II.

Informacija iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-11-1726/21
Datum, 28.12.2021. godine
Zenica

DOSTAVLJENO:
1x Ministarstvo za privredu,
1x Stručna služba Skupštine,
1x a/a.



Bosna i Hercegovina
Federacija Bosne i Hercegovine
ZENIČKO-DOBOJSKI KANTON
MINISTARSTVO ZA
PRIVREDU/GOSPODARSTVO



Bosnia and Herzegovina
Federation of Bosnia and Herzegovina
ZENICA-DOBOJ CANTON
MINISTRY OF ECONOMY

Handwritten signatures in blue ink.

**INFORMACIJA
O REALIZACIJI POTICAJNIH MJERA
VLADE ZENIČKO-DOBOJSKOG KANTONA ZA 2020. GODINU**

Zenica, decembar 2021. godine

1. UVOD

Program razvoja male privrede u ZDK predstavlja glavni strateški okvir za razvoj poduzetništva i MSP u ZDK. Kao takav, daje osvrt na prioritetne strateške ciljeve, konkretne aktivnosti i financijski okvir za period 2017.-2020.godine, te je uskladen sa prioritetima Vlade FBiH, Reformskom agendom za Bosnu i Hercegovinu za period 2015.-2018. godine kao i Akcionim planom Vlade Federacije BiH 2015.-2018. godine za provođenje Reformske agende.

Poticaji se realizuju u skladu sa Zakonom o poticanju male privrede ("Službene novine Zeničko-dobojskog kantona" broj: 7/16 i 7/20). Prema ovom Zakonu malu privredu čine subjekti male privrede, fizička i pravna lica, koja trajno obavljaju zakonom dozvoljene djelatnosti radi ostvarivanja dohotka odnosno dobiti, registrirani kod nadležnog organa, bez obzira na oblik organiziranja i koji:

- a) su samostalni u poslovanju,
- b) zapošljavaju prosječno godišnje manje od 250 lica, i
- c) ostvaruju godišnji prihod manji od 97.500.000,00 KM i/ili čiji je bilans stanja manji od 84.000.000,00 KM.

Realizacija poticaja Ministarstva za privredu Zeničko-dobojskog kantona je bila specifična u 2020. godini jer je dana 16.03.2020. godine donesena Odluka Vlade FBiH o proglašenju nesreće uzrokovane pojavom koronavirusa (COVID 19) na području Federacije BiH, broj: 408/2020 te su stoga sva raspoloživa financijska sredstva preusmjerena na saniranje posljedica prouzrokovanih pandemijom koronavirusa (COVID 19).

U nastavku ove informacije dat je detaljan pregled realizacije poticaja u 2020. godini.

2. REALIZACIJA POTICAJA U 2020. GODINI

2.1. Realizacija Programa utroška budžetskih sredstava za 2020. godinu (Subvencije privatnim preduzećima i poduzetnicima-ESCROW) iz februara, 2020. godine

Prema Budžetu Zeničko-dobojskog kantona za 2020. godinu (Službene novine Zeničko-dobojskog kantona", broj: 24/19 i 7/20), predviđena su financijska sredstva, ekonomski kod 614 500- "Subvencije privatnim preduzećima i poduzetnicima-ESCROW", u iznosu 2.600.000,00 KM.

Alokacija ovih sredstava, na prijedlog Ministarstva za privredu, usvojena je Zaključkom Vlade Kantona, broj: 02-11-2815/20 od 20.02.2020. godine kojim je usvojen Program utroška budžetskih sredstava za 2020. godinu (Subvencije privatnim preduzećima i poduzetnicima-ESCROW).

U Tabeli 1. dat je pregled planiranih i realizovanih sredstava.

Tabela 1: Alokacija sredstava planirana i realizirana:

Rb	NAZIV PROGRAMA	Iznos budžetskih sredstava /KM/	Realizovano	Index
1.	RAZVOJ KONKURENTNOSTI PRIVREDE	970.000,00	0,00	0,00
1.1	Program podrške razvoju konkurentnosti privrede (investiranje u opremu, obuke radne snage, promocija i sajmovi, standardi i kontrola kvalitete, patenti)	900.000,00	0,00	0,00
1.2	Subvencioniranje manifestacija i događaja značajnih za razvoj privrede (sajmovi, edukacije)	70.000,00	0,00	0,00

2.	RAZVOJ PODUZETNIŠTVA I PODUZETNIČKE KULTURE	500.000,00	0,00	0,00
2.1	Subvencioniranje administrativnih troškova i investicija kod obrta	200.000,00	0,00	0,00
2.2	Subvencioniranje administrativnih troškova kod pokretanja poslovnih ideja i registracije privrednih subjekata	50.000,00	0,00	0,00
2.3	Subvencioniranje administrativnih troškova kod izgradnje proizvodnih objekata	250.000,00	0,00	0,00
3.	RAZVOJ TURISTIČKE INFRASTRUKTURE I PONUDE	230.000,00	0,00	0,00
3.1	Subvencioniranje projekata izgradnje i obnove turističke infrastrukture	200.000,00	0,00	0,00
3.2	Subvencioniranje projekta izrade Plana razvoja turizma Zeničko-dobojskog kantona	30.000,00	0,00	0,00
4.	SUBVENCIONIRANJE PROJEKATA RAZVOJNIH AGENCIJA	45.000,00	0,00	0,00
5.	SUBVENCIONIRANJE ORGANIZACIJE MEDUNARODNOG SAJMA PRIVREDE-TEŠANJ	50.000,00	0,00	0,00
6.	SUBVENCIONIRANJE MANIFESTACIJE „PEKIJADA-OČEVIJA“	5.000,00	0,00	0,00
7.	NEISPLAĆENI POTICAJI ZA 2019. g. za RAZVOJ TURISTIČKE INFRASTRUKTURE	223.361,46	23.293,74	10,42
8.	NEISPLAĆENI POTICAJI ZA 2019. g. za SUBVENCIONIRANJE ADMINISTRATIVNIH TROŠKOVA KOD POKRETANJA POSLOVNIH IDEJA I REGISTRACIJE PRIVREDNIH SUBJEKATA	20.000,00	10.000,00	50,00
9.	ZA OBAVEZU SANACIJE I OSIGURANJA OSNOVNOG KAPITALA FONDA FZ PIO/MIO	360.000,00	0,00	0,00
UKUPNO:		2.403.361,46	33.293,74	1,38

Nakon ispunjenja uslova regulisanih ugovorom potpisanim između korisnika sredstava i Ministarstva za privredu, a po osnovu Javnog poziva za razvoj turističke infrastrukture iz 2019. godine, izvršena je isplata iz Budžeta Zeničko-dobojskog kantona u ukupnom iznosu 23.293,74 KM, kao i po osnovu Javnog poziva za subvencioniranje administrativnih troškova kod pokretanja poslovnih ideja i registracije privrednih subjekata u ukupnom iznosu 10.000,00 KM.

Ovaj Program je stavljen van snage Zaključkom Vlade Zeničko-dobojskog kantona, broj: 02-11-5463/20 od 14.04.2020. godine zbog nastupanja vanrednih uslova uzrokovanih pandemijom koronavirusa i donošenja Odluke Vlade FBiH o proglašenju nesreće uzrokovane pojavom koronavirusa (COVID 19) na području Federacije BiH, broj: 408/2020 od 16.03.2020. godine te stoga nije nastavljena realizacija po istom.

2.2. Realizacija Programa utroška budžetskih sredstava za 2020. godinu (Subvencije privatnim preduzećima i poduzetnicima-ESCROW) iz aprila, 2020. godine

Vlada Kantona, je na prijedlog Ministarstva za privredu, Zaključkom, broj: 02-11-5463/20 od 14.04.2020. godine stavila van snage navedeni Program i usvojila novi Program utroška budžetskih sredstava za 2020. godinu (Subvencije privatnim preduzećima i poduzetnicima-ESCROW) u iznosu 2.370.067,72 KM.

U Tabeli 2. dat je pregled planiranih i realizovanih sredstava.

*Indi
Kre
le*

Tabela 2: Alokacija sredstava planirana i realizirana:

Rb	NAZIV PROGRAMA	Iznos budžetskih sredstava /KM/	Realizovano	Index
1.	SUBVENCIONIRANJE NAJNIŽE NETO PLATE NA NIVOU FBiH	1.760.000,00	1.601.061,00	90,97
2.	SUBVENCIONIRANJE KAMATE ZA 2020. GODINU PO KREDITIMA ODOBRENIM U 2020. GODINI PO OSNOVU KREDITNO-GARANCIJSKOG FONDA VLADE ZENIČKO-DOBOJSKOG KANTONA	40.000,00	0,00	0,00
3.	NEISPLAĆENI POTICAJI ZA 2019. g. za RAZVOJ TURISTIČKE INFRASTRUKTURE	200.067,72	54.900,47	27,45
4.	NEISPLAĆENI POTICAJI ZA 2019. g. za SUBVENCIONIRANJE ADMINISTRATIVNIH TROŠKOVA KOD POKRETANJA POSLOVNIH IDEJA I REGISTRACIJE PRIVREDNIH SUBJEKATA	10.000,00	0,00	0,00
5.	ZA OBAVEZU SANACIJE I OSIGURANJA OSNOVNOG KAPITALA FONDA FZ PIO/MIO	360.000,00	360.000,00	100,00
UKUPNO:		2.370.067,72	2.015.961,47	85,06

2.2.1. Javni poziv za prikupljanje zahtjeva za odobrenje i dodjelu finansijskih sredstava za subvencioniranje 50% najniže neto plate za mart 2020. godinu

Na osnovu Zaključka Vlade Kantona o usvajanju Programa utroška budžetskih sredstava (Subvencije privatnim preduzećima i poduzetnicima-ESCROW) za 2020. godinu, broj: 02-11-5463/20 od 14.04.2020. godine, Ministarstvo za privredu je objavilo Javni poziv za prikupljanje zahtjeva za odobrenje i dodjelu finansijskih sredstava za subvencioniranje 50% najniže neto plate za mart 2020. godinu (u daljem tekstu: Javni poziv).

Ministarstvo za privredu je shodno raspoloživim novčanim sredstvima i proračunima formiralo tekst Javnog poziva, te obuhvatilo čak 50 šifri djelatnosti, obuhvaćenih naredbama Federalnog štaba civilne zaštite i Kriznog štaba FBiH, kojima je privrednim subjektima sa tim šiframa djelatnosti, direktno zabranjen rad.

Javni poziv objavljen je na web stranici Kantona, dana 15.04.2020. godine i bio je otvoren do 30.04.2020. godine.

Obzirom na mnogobrojne molbe od strane privrednih subjekata da se rok za dostavu dokumentacije po Javnom pozivu produži, Ministarstvo za privredu je rok za dostavu dokumentacije produžilo do 05.05.2020. godine.

Pravo korištenja finansijskih sredstava po Javnom pozivu imala su pravna i fizička lica koja:

- su dostavila uredne zahtjeve u utvrđenom roku,
- nisu raskinuli ugovor o radu uposlenicima u periodu od 29.02.2020. godine do 31.03.2020. godine,
- su registrovana u Zeničko-dobojskom kantonu (sa sjedištem u Zeničko-dobojskom kantonu, za uposlenike koji su prijavljeni sa mjestom rada na području Zeničko-dobojskom kantonu i poslovne jedinice drugih subjekata, za uposlenike koji su prijavljeni sa mjestom rada na području Zeničko-dobojskog kantona),
- su sa šifrom djelatnosti na Obavještenju o razvrstavanju poslovnog subjekta- pravnog/fizičkog lica

prema klasifikaciji djelatnosti (u skladu sa KD BiH 2010) i uslovima koji su pobrojani na listi u prilogu javnog poziva (Obrazac 3).

Subvencioniranje 50% najniže neto plate za mart mjesec, 2020. godine, po Javnom pozivu, odnosilo se na:

- uposlenike u radnom odnosu u pravnim licima sa mjestom rada na području Zeničko-dobojskog kantona,
- vlasnike i uposlenike u radnom odnosu koji obavljaju samostalne djelatnosti u skladu sa posebnim propisima na području Zeničko-dobojskog kantona.

Raskidom ugovora o radu nisu se smatrali slijedeći slučajevi:

- ako je uposlenik podnio zahtjev za raskid radnog odnosa,
- ako je uposleniku istekao ugovor o radu zbog isteka vremena na koji je zaključen,
- ako su se ispunili uslovi za odlazak u penziju.

U gore navedenim situacijama uz zahtjev obavezno su se dostavljali sljedeći prilozi:

- obična kopija zahtjeva uposlenika za raskid radnog odnosa i/ili
- obična kopija ugovora o radu na određeno vrijeme i kopija odluke/rješenja o prestanku radnog odnosa i/ili
- obična kopija odluke/rješenja o prestanku radnog odnosa zbog odlaska uposlenika u penziju.

Po Javnom pozivu zaprimljeno je **2.231** zahtjeva (**681** zahtjeva pravnih lica, **888** zahtjeva fizičkih lica bez uposlenih i **662** zahtjeva fizičkih lica sa uposlenicima).

Ministarstvo za privredu je imenovalo dvije Komisije koje su pregledale i vršile provjere svih podataka navedenih u dostavljenoj dokumentaciji ponaosob svakog podnosioca zahtjeva, službenim putem, komunicirajući sa nadležnim poreznim ispostavama, kao i sa Upravom za indirektno oporezivanje (izmirenje javnih prihoda sa danom 29.02.2020. godine, odjave u periodu od 29.02. do 31.03.2020. godine, broj uposlenih na dan 31.03.2020. godine prijavljenih na ID broj privrednih subjekata i njihovih poslovnih jedinica).

Po zaprimanju traženih podataka, Komisije su pripremale prijedloge Odluka o odobravanju i dodjeli sredstava privrednim subjektima za subvencioniranje 50% najniže neto plate za mart 2020. godine i upućivale ih prema Vladi Zeničko-dobojskog kantona.

Prilikom pregleda dostavljene dokumentacije, Komisije su uočile da veliki broj podnosilaca zahtjeva nije dostavio jedan ili dva dokumenta koja su bila navedena u Javnom pozivu. Shodno navedenom, Ministarstvo za privredu je pripremio i uputilo Vladi Kantona dva prijedloga Zaključka kojim se usvaja Informacija o nepotpunim zahtjevima po osnovu Javnog poziva za prikupljanje zahtjeva za odobravanje i dodjelu sredstava privrednim subjektima za subvencioniranje 50% najniže neto plate za mart 2020. godine:

- (1) predatih u periodu od 15.04.2020. godine do 27.04.2020. godine. Po usvajanju predmetne Informacije, Ministarstvo za privredu je objavilo na web stranici Kantona Obavještenje dana 04.06.2020. godine po osnovu kojeg su privredni subjekti trebali dostaviti nedostajuće priloge u roku od 3 radna dana od dana objave obavještenja na web stranici Vlade Kantona (zaključno sa ponedjeljkom, 08.06.2020. godine, do 16,00 sati),
- (2) predatih u periodu od 27.04.2020. godine do 05.05.2020. godine. Po usvajanju predmetne Informacije, Ministarstvo za privredu je objavilo na web stranici Kantona Obavještenje dana 06.07.2020. godine po osnovu kojeg su privredni subjekti trebali dostaviti nedostajuće priloge u roku od 3 radna dana od dana objave obavještenja na web stranici Vlade Kantona (zaključno sa srijedom, 08.07.2020. godine, do 16,00 sati).

Po Javnom pozivu, uzimajući u obzir i dokumentaciju koju su dostavili podnosioci zahtjeva po osnovu dva Obavještenja za dopunu nepotpunih zahtjeva od 04.06.2020. i 06.07.2020. godine, od ukupno 2.231

zaprimiteljnih zahtjeva, odbijeno je 517 zahtjeva, od čega 263 zahtjeva pravnih lica, 131 fizičkih lica bez uposlenih i 123 fizičkih lica sa uposlenicima.

U skladu sa naprijed navedenim, na prijedlog Ministarstva za privredu, za uredno podnesene zahtjeve, Vlada Zeničko-dobojskog kantona je donijela 13 (trinaest) **Odluka** o odobravanju i dodjeli sredstava privrednim subjektima za subvencioniranje 50% najniže neto plate za mart 2020. godine.

Predmetnim Odlukama odobreno je ukupno **1.010.737,00 KM** te je podržano ukupno **1.704 privrednih subjekata** odnosno ukupno **4.979 uposlenika**.

2.2.2. Javni poziv za prikupljanje zahtjeva za odobravanje i dodjelu finansijskih sredstava namjenjenih za subvencioniranje (regresiranje) kamata po kreditima odobrenim u 2020. godini po osnovu Kreditno-garancijskog fonda Vlade Zeničko-dobojskog kantona

Na osnovu Zaključka Vlade Kantona o usvajanju Programa utroška budžetskih sredstava (Subvencije privatnim preduzećima i poduzetnicima-ESCROW) za 2020. godinu, broj: 02-11-5463/20 od 14.04.2020. godine, Ministarstvo za privredu je objavilo i Javni poziv za prikupljanje zahtjeva za odobravanje i dodjelu finansijskih sredstava namjenjenih za subvencioniranje (regresiranje) kamata po kreditima odobrenim u 2020. godini po osnovu Kreditno-garancijskog fonda Vlade Zeničko-dobojskog kantona.

Navedeni Javni poziv je bio otvoren do 30.11.2020 godine, ali po istom nije zaprimljena nijedna prijava do zatvaranja Javnog poziva.

2.2.3. Neisplaćeni poticaji za 2019. godinu za razvoj turističke infrastrukture

Temeljem Javnog poziva za prikupljanje zahtjeva za odobravanje i dodjelu (refundaciju) finansijskih sredstava namjenjenih subvencioniranju projekata izgradnje i obnove javne turističke infrastrukture, po osnovu uredno pristiglih zahtjeva, odobreno je 12 zahtjeva sa priloženim projektima po kojim se uvidjelo da sva tražena sredstva za realizaciju ne prelaze finansijska sredstva planirana Programom utroška budžetskih sredstava za 2019. godinu, stoga je Vlada Kantona donijela Odluku za odobravanje i dodjelu finansijskih sredstava namjenjenih subvencioniranju projekata izgradnje i obnove javne turističke infrastrukture, u ukupnom iznosu od 282.434,57 KM, broj: 02-14-15933/19 od 25.10.2019. godine.

Nakon toga, došlo je do potpisivanja Ugovora između Korisnika sredstava i Ministarstva za privredu/gospodarstvo kojim su definirana međusobna prava i obaveze.

Zbog procedura preciziranih u Javnom pozivu i Ugovoru, te procedurom javnih nabavki nije se moglo doći do realizacije, odnosno isplata finansijskih sredstava do kraja 2019. godine. Stoga su sva neisplaćena i odobrena finansijska sredstva uvrštena u Program utroška finansijskih sredstava za 2020. godinu u iznosu 200.067,72 KM od čega je u 2020. godini realizovano **54.900,47 KM**.

2.2.3. Neisplaćeni poticaji za 2019. godinu za subvencioniranje administrativnih troškova kod pokretanja poslovnih ideja i registracije privrednih subjekata

Temeljem Javnog poziva za prikupljanje zahtjeva za odobravanje i dodjelu sredstava poticaja namijenjenih programu podrške fizičkim licima i registriranim obrtima sa područja Zeničko-dobojskog kantona za učešće u programu subvencioniranja administrativnih troškova kod pokretanja poslovnih ideja i registracije privrednih subjekata odobreno je 10 zahtjeva sa priloženim projektima po kojim se uvidjelo da sva tražena sredstva za realizaciju ne prelaze finansijska sredstva planirana Programom utroška budžetskih sredstava za 2019. godinu, stoga je Vlada Kantona donijela Odluku za odobravanje i dodjelu finansijskih sredstava namijenjenih programu podrške fizičkim licima i registriranim obrtima sa područja Zeničko-dobojskog kantona za učešće u programu subvencioniranja administrativnih troškova kod pokretanja poslovnih ideja i registracije privrednih subjekata, u ukupnom iznosu od 100.000,00 KM, broj: 02-14-17297/19 od

22.11.2019. godine.

Nakon toga, došlo je do potpisivanja Ugovora između Korisnika sredstava i Ministarstva za privredu/gospodarstvo kojim su definirana međusobna prava i obaveze.

Zbog procedura preciziranih u Javnom pozivu i Ugovoru, nije se moglo doći do realizacije, odnosno isplata finansijskih sredstava do kraja 2019. godine. Stoga su sva neisplaćena i odobrena finansijska sredstva uvrštena u Program utroška finansijskih sredstava za 2020. godinu u iznosu 10.000,00 KM, ali ista u 2020. godini nisu realizovana zbog neispunjavanja ugovornih obaveza.

2.3. Realizacija Programa utroška budžetskih sredstava za 2020. godinu (Subvencije privatnim preduzećima i poduzetnicima- Ostale subvencije preduzećima za saniranje štete u privredi uzrokovanih pandemijom COVID-19) iz maja, 2020. godine

Vlada Zeničko-dobojskog kantona je na prijedlog Ministarstva za privredu Zeničko-dobojskog kantona Zaključkom, broj: 02-11-6347/20 od 08.05.2020. godine usvojila Program utroška budžetskih sredstava za 2020. godinu (Subvencije privatnim preduzećima i poduzetnicima-Ostale subvencije preduzećima za saniranje štete u privredi uzrokovanih pandemijom COVID-19).

Na prijedlog Ministarstva za privredu, Vlada Zeničko-dobojskog kantona Zaključkom, broj: 02-11-172114/20 od 23.10.2020. godine usvojila je izmjene i dopune Programa utroška budžetskih sredstava za 2020. godinu (Subvencije privatnim preduzećima i poduzetnicima) (Ostale subvencije preduzećima za saniranje štete u privredi uzrokovanih pandemijom COVID-19).

U Tabeli 3. dat je pregled planiranih i realizovanih sredstava.

Tabela 3: Alokacija sredstava planirana i realizirana:

Rb	NAZIV PROGRAMA	Iznos sredstava /KM/	Realizovano	Index
1.	SUBVENCIONIRANJE NAJNIŽE PLATE NA NIVOU FBIH	1.010.000,00	973.994,00	96,44
2.	SUBVENCIONIRANJE TROŠKOVA JAČANJA KONKURENTNOSTI	1.000.000,00	932.641,86 KM	93,26
3.	SUBVENCIONIRANJE ADMINISTRATIVNIH TROŠKOVA KOD IZGRADNJE PROIZVODNIH OBJEKATA	800.000,00	150.000,00 KM	18,75
4.	SUBVENCIONIRANJE INVESTICIJA KOD OBRTA IZ PODRUČJA PRERAĐIVAČKE DJELATNOSTI	500.000,00	42.919,59 KM	8,58
5.	REGRESIRANJE KAMATA NA KREDITE	300.000,00	18.479,23 KM	6,16
	UKUPNO:	3.610.000,00	2.118.034,68	58,67

2.3.1. Javni poziv za prikupljanje zahtjeva za odobrenje i dodjelu finansijskih sredstava za subvencioniranje 100% najniže neto plate za april 2020. godine

Na osnovu Zaključka Vlade Kantona o usvajanju Programa utroška budžetskih sredstava (Subvencije privatnim preduzećima i poduzetnicima - Ostale subvencije preduzećima za saniranje štete u privredi uzrokovanih pandemijom COVID-19), broj: 02-11-6347/20 od 08.05.2020. godine, Ministarstvo za privredu je objavilo Javni poziv za prikupljanje zahtjeva za odobrenje i dodjelu finansijskih sredstava za subvencioniranje 100% najniže neto plate za april 2020. godine (u daljem tekstu: Javni poziv).

Ministarstvo za privredu je shodno raspoloživim novčanim sredstvima i proračunima formiralo tekst Javnog poziva, te obuhvatilo čak 44 šifri djelatnosti, obuhvaćenih naredbama Federalnog štaba civilne zaštite i Kriznog štaba FBiH, kojima je privrednim subjektima sa tim šiframa djelatnosti, direktno zabranjen rad od aprila 2020. godine.

Javni poziv objavljen je na web stranici Kantona, dana 13.05.2020. godine i bio je otvoren do 08.06.2020. godine.

Pravo korištenja finansijskih sredstava po Javnom pozivu imala su pravna i fizička lica koja:

- su dostavila uredne zahtjeve u utvrđenom roku,
- nisu raskinula ugovor o radu sa uposlenicima u periodu od 29.02.2020. godine do 30.04.2020. godine na nivou privrednog subjekta (izuzetak u slučaju raskida ugovora o radu i odjave na dan 29.02.2020. godine i na dan 30.04.2020. godine),
- su registrovana u Zeničko-dobojskom kantonu i to:
- sa sjedištem u Zeničko-dobojskom kantonu, za uposlenike koji su prijavljeni na ID broj sjedišta/poslovne jedinice i sa mjestom rada na području Zeničko-dobojskog kantona,
- sa poslovnom jedinicom u Zeničko-dobojskom kantonu privrednih subjekata, čije je sjedište izvan Zeničko-dobojskog kantona, za uposlenike koji su prijavljeni na ID broj poslovne jedinice i sa mjestom rada na području Zeničko-dobojskog kantona,
- imaju šifru djelatnosti na Obavještenju o razvrstavanju poslovnog subjekta/poslovne jedinice - pravnog/fizičkog lica prema klasifikaciji djelatnosti (u skladu sa KD BiH 2010) i ispunjavaju uslove koji su pobrojani na Listi u prilogu javnog poziva (Obrazac broj 3.).

Subvencioniranje 100% najniže neto plate za april mjesec, 2020. godine, po Javnom pozivu, odnosilo se na:

- uposlenike u radnom odnosu kod pravnih lica, sa mjestom rada na području Zeničko-dobojskog kantona, koji su prijavljeni na ID broj sjedišta/poslovne jedinice u Zeničko-dobojskom kantonu i čija se šifra djelatnosti nalazi na Obrascu broj 3.,
- vlasnike i uposlenike u radnom odnosu kod vlasnika, koji obavljaju samostalne djelatnosti u skladu sa posebnim propisima na području Zeničko-dobojskog kantona, koji su prijavljeni na ID broj subjekta u Zeničko-dobojskom kantonu, sa mjestom rada na području Zeničko-dobojskog kantona i čija se šifra djelatnosti nalazi na Obrascu broj 3.

Raskidom ugovora o radu nisu se smatrali sljedeći slučajevi:

- ako je uposlenik podnio zahtjev za raskid radnog odnosa,
- ako je uposleniku istekao ugovor o radu zbog isteka vremena na koji je zaključen,
- ako su se ispunili uslovi za odlazak u penziju.

U gore navedenim situacijama uz zahtjev obavezno su se dostavljali sljedeći prilozi:

- obična kopija zahtjeva uposlenika za raskid radnog odnosa i/ili
- obična kopija ugovora o radu na određeno vrijeme i kopija odluke/rješenja o prestanku radnog odnosa i/ili

- obična kopija odluke/rješenja o prestanku radnog odnosa zbog odlaska uposlenika u penziju.

Za uposlenice koje se nalaze na porodijskom odsustvu dostavljala se neovjerena kopija Rješenja o porodijskom odsustvu.

Po Javnom pozivu zaprimljeno je **2.002** zahtjeva (**580** zahtjeva pravnih lica, **846** zahtjeva fizičkih lica bez uposlenih i **576** zahtjeva fizičkih lica sa uposlenicima).

Ministarstvo za privredu je imenovalo dvije Komisije koje su pregledale i vršile provjere svih podataka navedenih u dostavljenoj dokumentaciji ponaosob svakog podnosioca zahtjeva, službenim putem, komunicirajući sa nadležnim poreznim ispostavama, kao i sa Upravom za indirektno oporezivanje (izmirenje javnih prihoda sa danom 29.02.2020. godine za privredne subjekte koji se nisu prijavili na Javni poziv za prikupljanje zahtjeva za odobrenje i dodjelu finansijskih sredstava za subvencioniranje 50% najniže neto plate za mart 2020. godine, objave u periodu od 29.02. do 30.04.2020. godine, broj uposlenih na dan 30.04.2020. godine prijavljenih na ID broj privrednih subjekata i njihovih poslovnih jedinica).

Po zaprimanju traženih podataka, Komisije su pripremale prijedloge Odluka o odobravanju i dodjeli sredstava privrednim subjektima za subvencioniranje 100% najniže neto plate za april 2020. godine i upućivale ih prema Vladi Zeničko-dobojskog kantona.

Prilikom pregleda dostavljene dokumentacije, Komisije su uočile da veliki broj podnosilaca zahtjeva nije dostavio jedan ili dva dokumenta koja su bila navedena u Javnom pozivu. Shodno navedenom, Ministarstvo za privredu je pripremla i upućivalo Vladi Kantona pet prijedloga Zaključka kojim se usvaja Informacija o nepotpunim zahtjevima po osnovu Javnog poziva za prikupljanje zahtjeva za odobravanje i dodjelu sredstava privrednim subjektima za subvencioniranje 100% najniže neto plate za april 2020. godine:

- (1) predatih u periodu od 13.05.2020. godine do 19.05.2020. godine. Po usvajanju predmetne Informacije, Ministarstvo za privredu je objavilo na web stranici Kantona Obavještenje dana 04.08.2020. godine po osnovu kojeg su privredni subjekti trebali dostaviti nedostajuće priloge u roku od 3 radna dana od dana objave obavještenja na web stranici Vlade Kantona,
- (2) predatih u periodu od 19.05.2020. godine do 26.05.2020. godine. Po usvajanju predmetne Informacije, Ministarstvo za privredu je objavilo na web stranici Kantona Obavještenje dana 10.08.2020. godine po osnovu kojeg su privredni subjekti trebali dostaviti nedostajuće priloge u roku od 3 radna dana od dana objave obavještenja na web stranici Vlade Kantona,
- (3) predatih u periodu od 19.05.2020. godine do 26.05.2020. godine-drugi dio. Po usvajanju predmetne Informacije, Ministarstvo za privredu je objavilo na web stranici Kantona Obavještenje dana 24.08.2020. godine po osnovu kojeg su privredni subjekti trebali dostaviti nedostajuće priloge u roku od 3 radna dana od dana objave obavještenja na web stranici Vlade Kantona,
- (4) predatih u periodu od 21.05.2020. godine do 28.05.2020. godine. Po usvajanju predmetne Informacije, Ministarstvo za privredu je objavilo na web stranici Kantona Obavještenje dana 02.09.2020. godine po osnovu kojeg su privredni subjekti trebali dostaviti nedostajuće priloge u roku od 3 radna dana od dana objave obavještenja na web stranici Vlade Kantona,
- (5) predatih u periodu od 26.05.2020. godine do 08.06.2020. godine. Po usvajanju predmetne Informacije, Ministarstvo za privredu je objavilo na web stranici Kantona Obavještenje dana 12.10.2020. godine po osnovu kojeg su privredni subjekti trebali dostaviti nedostajuće priloge u roku od 3 radna dana od dana objave obavještenja na web stranici Vlade Kantona.

Po Javnom pozivu, uzimajući u obzir i dokumentaciju koju su dostavili podnosioci zahtjeva po osnovu pet Informacija za dopunu nepotpunih zahtjeva, od ukupno 2.002 zaprimljenih zahtjeva, odbijeno je 428 zahtjeva, od čega 180 zahtjeva pravnih lica, 96 fizičkih lica bez uposlenih i 152 fizičkih lica sa uposlenicima. U skladu sa naprijed navedenim, na prijedlog Ministarstva za privredu doneseno je **13** (trinaest) **Odluka** o odobravanju i dodjeli sredstava privrednim subjektima za subvencioniranje 100% najniže neto plate za april 2020. godine. Predmetnim Odlukama odobreno je ukupno **1.563.100,00 KM** te je podržano ukupno **1.517** **privrednih subjekata**, odnosno ukupno **3.850** **uposlenika**.

2.3.2. Javni poziv za prikupljanje zahtjeva za odobravanje i dodjelu (refundaciju) finansijskih sredstava namijenjenih subvencioniranju troškova jačanja konkurentnosti

Na osnovu Zaključka Vlade Zeničko-dobojskog kantona o usvajanju Programa utroška budžetskih sredstava u 2020. godini (Subvencije privatnim preduzećima i poduzetnicima) (Ostale subvencije preduzećima za saniranje štete u privredi uzrokovanih pandemijom COVID-19), broj: 02-11-6347/20 od 08.05.2020. godine i broj: 02-11-17214/20 od 23.10.2020. godine, Ministarstvo za privredu je objavilo Javni poziv za prikupljanje zahtjeva za odobravanje i dodjelu (refundaciju) finansijskih sredstava namijenjenih subvencioniranju troškova jačanja konkurentnosti.

Navedeni Javni poziv se odnosio na privredne subjekte iz područja prerađivačke djelatnosti (C/D- nove/stare Standardne klasifikacije djelatnosti) registrovane u Zeničko-dobojskom kantonu koji su u periodu od 01.01.2020. godine do podnošenja zahtjeva po ovom Javnom pozivu nabavili stalna sredstva za obavljanje djelatnosti i koji su svoju investiciju realizovali na području Zeničko-dobojskog kantona.

Po Javnom pozivu zaprimljeno je ukupno 109 zahtjeva. Od ukupno 109 zahtjeva, odbijeno je 47 zahtjeva.

Na prijedlog Ministarstva za privredu, usvojena je **1 (jedna) Odluka** o odobravanju i dodjeli (refundaciji) finansijskih sredstava namijenjenih subvencioniranju troškova konkurentnosti u ukupnom iznosu **932.641,86 KM** te je podržano ukupno **62 privredna subjekta**.

2.3.3. Javni poziv za prikupljanje zahtjeva za odobravanje i dodjelu (refundaciju) finansijskih sredstava namijenjenih subvencioniranju administrativnih troškova kod izgradnje proizvodnih objekata

Na osnovu Zaključka Vlade Zeničko-dobojskog kantona o usvajanju Programa utroška budžetskih sredstava u 2020. godini (Subvencije privatnim preduzećima i poduzetnicima) (Ostale subvencije preduzećima za saniranje štete u privredi uzrokovanih pandemijom COVID-19), broj: 02-11-6347/20 od 08.05.2020. godine i broj: 02-11-17214/20 od 23.10.2020. godine, Ministarstvo za privredu je objavilo Javni poziv za prikupljanje zahtjeva za odobravanje i dodjelu (refundaciju) finansijskih sredstava namijenjenih subvencioniranju administrativnih troškova kod izgradnje proizvodnih objekata.

Navedeni Javni poziv se odnosio na privredna društva registrovana za obavljanje proizvodnih djelatnosti u Zeničko-dobojskom kantonu, koja proizvodni objekat (natkrivena građevina sa zidovima, sagrađena sa namjenom i u svrhu realizacije proizvodnog programa u području D-Prerađivačka industrija po staroj Standardnoj klasifikaciji djelatnosti ili u području C- Prerađivačka industrija po novoj Standardnoj klasifikaciji djelatnosti) izgrade ili izvrše promjenu namjene objekta (neproizvodni u proizvodni) na području Zeničko-dobojskog kantona u periodu od 01.01.2020. godine do podnošenja zahtjeva po ovom Javnom pozivu.

Po Javnom pozivu zaprimljeno je ukupno 14 zahtjeva. Od ukupno 14 zahtjeva, odbijeno je 8 zahtjeva.

Na prijedlog Ministarstva za privredu, usvojena je **1 (jedna) Odluka** o odobravanju i dodjeli (refundaciji) finansijskih sredstava namijenjenih subvencioniranju administrativnih troškova kod izgradnje proizvodnih objekata u ukupnom iznosu **150.000,00 KM** te je podržano ukupno **6 privrednih subjekata**.

2.3.4. Javni poziv za prikupljanje zahtjeva za odobravanje i dodjelu (refundaciju) finansijskih sredstava namjenjenih subvencioniranju investicija kod obrta iz područja prerađivačke djelatnosti

Na osnovu Zaključka Vlade Zeničko-dobojskog kantona o usvajanju Programa utroška budžetskih sredstava u 2020. godini (Subvencije privatnim preduzećima i poduzetnicima) (Ostale subvencije preduzećima za saniranje štete u privredi uzrokovanih pandemijom COVID-19), broj: 02-11-6347/20 od 08.05.2020. godine i broj: 02-11-17214/20 od 23.10.2020. godine, Ministarstvo za privredu je objavilo Javni poziv za prikupljanje zahtjeva za odobravanje i dodjelu (refundaciju) finansijskih sredstava namjenjenih subvencioniranju investicija kod obrta iz područja prerađivačke djelatnosti.

Navedeni Javni poziv se odnosio na investitore registrovane u Zeničko-dobojskom kantonu, koji proizvodnu investiciju realiziraju u obrtničku prerađivačku djelatnost na području Zeničko-dobojskog kantona. Proizvodna investicija, shodno Javnom pozivu, je izgradnja proizvodnih objekata i nabavka osnovnih sredstava.

Po Javnom pozivu zaprimljeno je ukupno 10 zahtjeva. Od ukupno 10 zahtjeva, odbijena su 3 zahtjeva.

Na prijedlog Ministarstva za privredu, usvojena je **1 (jedna) Odluka** o odobravanju i dodjeli (refundaciji) finansijskih sredstava namjenjenih subvencioniranju investicija kod obrta iz područja prerađivačke djelatnosti u ukupnom iznosu **42.919,59 KM** te je podržano ukupno **7 privrednih subjekata**.

2.3.5. Javni poziv za prikupljanje zahtjeva za odobravanje i dodjelu (refundaciju) sredstava poticaja namjenjenih regresiranju kamata na kredite

Na osnovu Zaključka Vlade Zeničko-dobojskog kantona o usvajanju Programa utroška budžetskih sredstava u 2020. godini (Subvencije privatnim preduzećima i poduzetnicima) (Ostale subvencije preduzećima za saniranje štete u privredi uzrokovanih pandemijom COVID-19), broj: 02-11-6347/20 od 08.05.2020. godine i broj: 02-11-17214/20 od 23.10.2020. godine, Ministarstvo za privredu je objavilo Javni poziv za prikupljanje zahtjeva za odobravanje i dodjelu (refundaciju) sredstava poticaja namjenjenih regresiranju kamata na kredite.

Navedeni Javni poziv se odnosio na privredne subjekte registrovane u Zeničko-dobojskom kantonu, koji investiciju realiziraju na prostoru Zeničko-dobojskog kantona, kreditom komercijalnih banaka iz Bosne i Hercegovine i koji su platili kamate za kredite odobrene u 2020. godini.

Po Javnom pozivu zaprimljeno je ukupno 9 zahtjeva. Od ukupno 9 zahtjeva, odbijeno je 7 zahtjeva.

Na prijedlog Ministarstva za privredu, usvojena je **1 (jedna) Odluka** o odobravanju i dodjeli (refundaciji) sredstava poticaja namjenjenih regresiranju kamata na kredite u ukupnom iznosu **18.479,23 KM** te je podržano ukupno **2 privredna subjekta**.

*Man
Jents
JL*

3. REKAPITULACIJA POTICAJA PRIVREDNIM SUBJEKTIMA U 2020. GODINI

U Tabeli 4. data je rekapitulacija dodijeljenih poticaja u 2020. godini.

Tabela 4: Pregled odobrenih poticaja po vrsti poticaja- REKAPITULACIJA

R b.	NAZIV PROGRAMA	Realizovani iznos sredstava (KM)	Realizacija (%)	Broj pristiglih aplikacija	Broj neurednih aplikacija	Broj odobrenih aplikacija
1.	SUBVENCIONIRANJE NAJNIŽE NETO PLATE NA NIVOU FBiH	2.575.055,00	93,70	4.233	1.012	3.221
2.	SUBVENCIONIRANJE KAMATE ZA 2020. GODINU PO KREDITIMA ODOBRENIM U 2020. GODINI PO OSNOVU KREDITNO- GARANCIJSKOG FONDA VLADE ZENIČKO- DOBOJSKOG KANTONA	0,00	0,00	0	0	0
3.	SUBVENCIONIRANJE TROŠKOVA JAČANJA KONKURENTNOSTI	932.641,86	93,26	109	47	62
4.	SUBVENCIONIRANJE ADMINISTRATIVNIH TROŠKOVA KOD IZGRADNJE PROIZVODNIH OBJEKATA	150.000,00	18,75	14	8	6
5.	SUBVENCIONIRANJE INVESTICIJA KOD OBRTA IZ PODRUČJA PRERAĐIVAČKE DJELATNOSTI	42.919,59	8,58	10	3	7
6.	REGRESIRANJE KAMATA NA KREDITE	18.479,23	6,16	9	7	2
UKUPNO:		3.719.095,68	68,74	4.375	1.077	3.298

*Jedan
Jelić
-le*

4. ZAKLJUČAK

Iz prethodnog dijela ove informacije, može se zaključiti da je realizacija poticaja u 2020. godini bila specifična jer je dana 16.03.2020. godine donesena Odluka Vlade FBiH o proglašenju nesreće uzrokovane pojavom koronavirusa (COVID 19) na području Federacije BiH, broj: 408/2020 te su stoga sva raspoloživa finansijska sredstva preusmjerena na saniranje posljedica prouzrokovanih pandemijom koronavirusa (COVID 19), ali i uspješna, s obzirom na proglašeno stanje pandemije i zabrane rada privrednih subjekata.

Prema programima utroška budžetskih sredstava Ministarstva za privredu, u 2020. godini utrošeno je **3.719.095,68 KM** i to za:

1. Subvencioniranje najniže neto plate na nivou FBiH	2.575.055,00 KM
2. Subvencioniranje troškova jačanja konkurentnosti	932.641,86 KM
3. Subvencioniranje administrativnih troškova kod izgradnje proizvodnih objekata	150.000,00 KM
4. Subvencioniranje investicija kod obrta iz područja prerađivačke djelatnosti	42.919,59 KM
4. Regresiranje kamata na kredite	18.479,23 KM

UKUPNO:

3.719.095,68 KM

Ministarstvo za privredu preduzetim aktivnostima želi biti potpora malim i srednjim preduzećima kako u stanjima pandemije tako i drugim okolnostima, a sukladno važećim propisima i nadležnostima.



MINISTAR

Zlatko Jelić